

2020 Nienz Vahcuengh Sawcuengh Suijbingz Gaujsi Sigenj (Gaugaep)

Gij Saeh Aeu Rox

1. Vahcuengh Sawcuengh Suijbingz Gaujsi (Gaugaep) yungh seizgan 150 faencung.
2. Faenh gienj neix muenxfaen 100 faen.
3. Dap daez sat le, cuengq mbaw gienj youq gwnz daiz, caj bouxgamgauj sou ndei le cij ndaej ok dieggauj.

Ndaejaen	Bouxbingzgienj

It、Genj Swz Dienzhoengq (10 faen)

Gangjmingz: 1~10 daez, moix daez 1 faen. Moix daez baihlaeng miz A、B、C、D 4 aen genjhangh, cingj dawz aen cihmeh baihnaj hangh deng sij youq ndaw gvathauh.

1. Mwnghz miz maz saeh gaenj lai, byaij dwk ____ bae. 【 】

A. cacoemj

B. coemjgoep

C. coemjnaj

D. coemjdauq

2. Rouh moulgw Goengleix duzduz cungj _____. 【 】

A. noengqnwtnt

B. noengznwtnt

C. nuengqroemroem

D. nyannyoeknyoek

3. Daxboh caeuq geij boux hauxseng gaemh duzvaiz daeuj ndaemq _____. 【 】

A. boeg

B. boeb

C. boek

D. boed

4. “黔江” aen swz neix, cih “黔” wnggai cienjsij baenz _____. 【 】

A. Cenz

B. Cinz

C. Ginz

D. Genz

5. Ranzmbanj gou it bi ndaem song ____ haeux. 【 】
 A. miuh B. miuz C. miux D. meuz
6. Lajneix aen cwngzyij ____ hoiz ndaej ngamj. 【 】
 A. 作茧自缚 —— gag cug dinfwngz
 B. 走马观花 —— gwih max yawj raen
 C. 自言自语 —— gag gangj gag ngeix
 D. 座无虚席 —— vunz lai naengh youq
7. Gvaq giuz gaej lumz dwngx, gvaq ____ gaej lumz so. 【 】
 A. daengz B. daengj C. dwngx D. dwngj
8. Bimoq dwg 2021 nienz, birawz dwg ____ nienz. 【 】
 A. 2022 B. 2023 C. 2024 D. 2025
9. Lajneix cuj swz ____ cungj sij ndaej deng. 【 】
 A. henz (啃) bag (劈)
 B. baek (煲) suek (包)
 C. gyoengq (空心) hoij (挂)
 D. giek (木鞋) maeq (粉红)
10. Boux lwgnyez neix aen ____ dingj gyaeuj de caengz hob liux. 【 】
 A. lawz B. cuenq C. nawz D. cuenh

Ndaejfaen	Bouxbingzgienj

Ngeih、Yawjdoeg Roxyiuj (26 faen)

(It) Genj hangh deng.

Gangjmingz: 11~20 daez, moix daez 1 faen. Song duenh vah lajneix, moix guengh hoengq miz A、B、C、D 4 aen genjhangh, cingj dawz aen cihmeh baihnaj hangh deng sij youq ndaw gvathauh.

Dingh Cwngzfungh lwgda coh rog 11 , boux swghih hai aen gajceh Vangzhozbaiz haenx gaenq ndonj haeuj ndaw gyasijsiz bae. Dingh

Cwngzfungh yawjraen, youq baihnaj Gaijfangbaiz gajceh, dwg gij cidoih raez lumj duzlungz nei; youq baihlaeng Gaijfangbaiz gajceh, youh riengz miz aen ci duzlawz rag ndeu caeuq aen gajceh miz dohdouj ndeu. Najbyak bingzbwd duzlawz 12 miz duj vahoengz moqsak ndeu. Song henz roen dwg geij go faex daemq, gofaex daengx ndang miz haujlai 13, ndaw mieng henz roen hwnj rim go'nywj, gwnz mbawfaex caeuq ganjnywj, cungj nem rim 14 ndaem. Song henz roen, dwg 15 naz hohanghang seizcou.

- | | | | | |
|-------------|-----------|-----------|-----------|-----|
| 11. A. sou | B. saeuj | C. saeux | D. souj | 【 】 |
| 12. A. raep | B. raek | C. rap | D. naek | 【 】 |
| 13. A. duq | B. duz | C. dox | D. doj | 【 】 |
| 14. A. fan | B. fanz | C. faenx | D. faenh | 【 】 |
| 15. A. dong | B. doengz | C. doengj | D. doengh | 【 】 |

Dahsau daiq canghdwkroeg hwnj gwnz Bosamsengj bae, de hawj canghdwkroeg byaij youq baihnaj, byaij yamq ndeu couh 16 gumz ndeu. Dahsau byaij youq baihlaeng, moix gumz cuengq mbawfaex ndeu. Gek haemh he, Bosamsengj couh bienqbaenz aen ndoengfaex heuswdswd lo, ndaw ndoengfaex bak va caez hai, bak roeg caez 17. Dahsau 18 buhbwnroeg hawj canghdwkroeg daenj. Canghdwkroeg daenj geu buhbwnroeg le, caeuq dahsau angq ha diuq ha 19 hwnjdaeuq, yamqdin yied daeuq yied 20, lij yied daeuq yied vaiq, buhbwnroeg mbinyagyag, couh lumj benq fwj ndeu cingq cienqdoengh nei. Diuq ha, diuq ha, canghdwkroeg caeuq dahsau bienqbaenz doiq roegfunghvuengz ndeu mbin deuz lo.

- | | | | | |
|--------------|-----------|-----------|-----------|-----|
| 16. A. vat | B. vad | C. dat | D. gat | 【 】 |
| 17. A. cieng | B. ciengz | C. ciengq | D. ciengh | 【 】 |
| 18. A. mbej | B. mbe | C. mbiq | D. mbit | 【 】 |
| 19. A. fou | B. fouq | C. fouj | D. foux | 【 】 |
| 20. A. mbou | B. mbouj | C. mbaeu | D. baeu | 【 】 |

(Ngeih) Genj dapanq.

Gangjmingz: 21~28 daez, moix daez 2 faen. Baihlaeng moix duenh vah miz 2 aen vwndiz. Cingj ciuq eiqsei duenh vah, dawz cihmeh baihnaj aen dapanq deng sij youq ndaw gvathauh.

Gou gangj neix gangj haenx, hoeng Daegndaem cix lumj bienqbaenz lingh boux vunz nei, mbouj lumj baeznaengz yienghhaenx doiq gijmaz cungj roxnyinh mizyinx, bakmbaeu gangjfoedfoed. De lumj bak deng neuj, dingzlai seizgan cungj dwg dingq gou gangjvah, doq dingq doq ndoet di laeuj, dingq gou gangj gij saeh ndaw mbanj.

Daegndaem ngamq cuengq cenj gwnz daiz, aen soujgih de fwt yiengj lo, hawj de doeksaet dwk vuengvat liux. De mbon baenz buenq ngoenz, cij daj ndaw daehvaq de mbon soujgih okdaeuj, gaenlaeng doq dingq dienhvah doq byaij ok rog dou bae, lumj lau dou dingqnyei nei. Gou mbouj leixlangh Daegndaem guh gijmaz, swnhfwngz couh sik vemou gwngawq. Haujlai nanz mbouj ndaej gwn gij vemou baenzneix feih lo.

21. Ciuq eiqsei duenh vah baihgwnz, lajneix coenz vah lawz mbouj dwg gangj Daegndaem? **【 】**

- A. De lumj bienqbaenz lingh boux vunz nei.
- B. De lumj bak deng neuj, cungj dwg dingq gou gangjvah.
- C. De dawz aen soujgih soed haeuj ndaw daehvaq bae.
- D. Aen soujgih baez yiengj, de doeksaet dwk vuengvat liux.

22. Ciuq eiqsei duenh vah baihgwnz, lajneix coenz vah lawz dwg gangj “gou”? **【 】**

- A. Gou baeznaengz doiq gijmaz cungj mizyinx, bakmbaeu gangjfoedfoed.
- B. Gou doq dingq dienhvah doq byaij ok rog dou bae.
- C. Gou mbon baenz buenq ngoenz, cij daj ndaw daehvaq mbon soujgih okdaeuj.
- D. Gou swnhfwngz couh sik vemou gwngawq.

Ndaw siengci miz goeng binggeq bwhyungh bae hoenxcienq ndeu naengh dwk, de byoem haumong, henzndang de naengh boux mehmbwk geq bingh lai ndangnyieg ndeu.

“Ndeu、song、sam”, mehmbwk geq moengzloengz mangxlangh neix

youh raemh geq soq lo. Song dah sau iq caiq riungawz hwnjdaej. Seiz neix, goeng binggeq byoem haumong bwbyungh bae hoenxcienq haenx enjenj aen'aek, haibak lo: “Dahsau, dang gou naeuz sou nyi mehgeq hojlienx neix couh dwg yah gou seiz, sou daihgaiq mbouj caiq riu lo. Dou ngamqngamq saet bae sam daeg lwg, gyoengqde dwg caeuq vunzdig hoenxcienq deng dai bae. Seizneix lwnz daengz gou bae hoenxcienq lo. Mwh caengz bae, gou cungj yaek soengq daxmeh gyoengqde haeuj ndaw yihyen yw vunzbag bae ba!” Ndaw siengci caemrwgrwg, caem dwk dwglau bae.

23. Vihmaz goeng binggeq gangjvah le, ndaw siengci caemrwgrwg?

【 】

A. Goeng binggeq fokhumhum, sawj vunz dwglau couh caemrwg.

B. Goeng binggeq ndaq boux dawz boux, sawj vunz dwglau couh caemrwg.

C. Gij vah goeng binggeq sawj vunz ngeix daengz gij cainanh hoenxcienq, couh caemrwg.

D. Goeng binggeq ndaq mehgeq fatbag, sawj vunz dwglau couh caemrwg.

24. Mehmbwk geq lai baez raemh gangj “ndeuh、song、sam”, yienzaen dwg gijmaz?

【 】

A. Aenvih mehmbwk geq baklai, couh doeng gangj sae gangj.

B. Aenvih mehmbwk geq saet bae sam daeg lwg, ukluenh cix raemh gangj.

C. Aenvih mehmbwk geq mbwq lai, couh ciengzseiz luenh geq soq.

D. Aenvih mehmbwk geq roxnyinh geq soq mizyinx, couh raemh gangj.

Aenci laebdaeb baenaj, mbouj geij nanz, baihnaj couh lumj fuk veh byaraemx gvangqlanglang ndeuh, dou daej daengz le mbanjmoq Ranzyiz — Mbanjsienfung lumj sei lumj veh nei. Daengx mbanj baihlaeng dwg bya baihnaj dwg raemx, gij raemxdah heunaunau najmbanj daengx bi ciengzseiz laelwldw, mbiengj dah doiqnaj haenx dwg datrinheu sangvidvid daengj cap haeuj ndaw fwj bae. Ndaw benq dieggvangq henz

dah miz liengzdingz miz roen, miz rum miz va mwncupcup, doxlien baenz aen gunghyenz diegcumx gvangqlangh ndeu. Gwnz ndoi, gij ranz vunzmbanj, fajciengz hausak, vax ranz ndaemheu, lumj ranz ciuhgeq nei, lij baiz ndaej caezcingj dem, yawj daeuj miz gij funggek Conhsih, youq ndaw ndoeng faex sangngaungau mwncupcup haenx, seiz raen seiz ndwi.

25. Baihlaeng baihnaj aenmbanj gak dwg gijmaz? 【 】

- A. Baihlaeng dwg bya baihnaj dwg raemx.
- B. Baihlaeng dwg raemx baihnaj dwg bya.
- C. Baihlaeng dwg bya baihnaj hix dwg bya.
- D. Baihlaeng baihnaj cungj dwg raemx.

26. Duenh vah baihgwnz naeuz henz dah miz gijmaz? 【 】

- A. Henz dah miz cwzvaiz, miz roeg miz nyaen.
- B. Henz dah miz liengzdingz miz roen, miz rum miz va.
- C. Henz dah miz reihnaz, miz suenbyaek suenmak.
- D. Henz dah miz ranz vax ndaemheu, miz ndoengfaex.

Dahmeiz buet daengz ndaw reih, raen Dahnungz fuz noegcae gig dwgrendz, duzvaiz rag cae baefwfw. Dahnungz baez it dawzcae, boemzcoemj boemzcamj gaen laeng byaij. Dahnungz deng ndit cik dwk naj hoengzoo, lumj aen daengngoenz ngamq hwnj nei, hanh rih hanh roenx, geu buh mbangmbi nem ndang liux, giz haengz giz doed cungj raen.

Dahmeiz nyaeuq naj cam: “Dwgrendz lwi?”

Dahnungz riunyumj naeuz: “Dwgrendz cix dwgrendz, raeuz doeg le cib geij bi saw, bohmev vih raeuz sai cienzcaiz, feiq simgei, ok goengrendz, ngoenzneix raeuz mbouj boizaen bohmev, daengz seizlawz bae?”

Dahnungz ngoenzngoenz haetromh couh okdou, haemhlaep cij dauq ranz, deng ndit dak, ngaiz fwn rwed. De yienghyiengh cungj guh, hong reih hong ranz caenhliengh mbouj hawj bohmev caiq dwgrendz.

27. Mwngz roxnyinh Dahnungz dwg bouxvunz yienghlawz? 【 】

- A. Boux dawzcae caixhangz.
- B. Boux gik bae guh hong reihnaz.
- C. Boux gig rox sim'in bohmev.
- D. Boux bakgvai bakraeh.

28. Cae reih seiz, Dahungz vihmaz boemzcoemj boemzcamj gaen laeng vaiz byaij? 【 】

- A. Aenvih ga de in lai.
- B. Aenvih de gig rox guh hong reihnaz.
- C. Aenvih de cae reih gvenqsug lo.
- D. Aenvih de ngamq hag cae reih.

Ndaejfaen	Bouxbingzgienj

Sam、Yawjdoeg Dap Daez (8 faen)

Gangjmingz: 29~30 daez, moix daez 4 faen. Moix duenh vah baihlaeng miz aen vwndiz ndeu, cingj hoizdap.

Dadui mbouj hawj Gauh Linzlinz guh minzban lauxsae, de couh deng ma ranz guh naz. Miz ngoenz ndeu, de bae haw gai ceiz. De byaij gvaq diuz roenhung rog gicehcan seiz, aennaj fwt bienq heu, gig vaiq youh bienq hoengz lo. De roxninh daengx ndang lwed yaepyet cungj nyoenx hwnj gwnz naj daeuj lo: De sawqmwh yawjraen gauhcungh doengzban doengzhag Vangz Yabingz caeuq Cangh Gwznanz, songde cingq ndwn youq bakdou funghdeqci. Yaek ndoj cix mbouj gib lo, songde gaenq gonqlaeng coh de byaij daeuj. Gauh Linzlinz haemz mbouj ndaej vut swx ceiz neix daengz giz vunz mbouj rox bae. Cangh Gwznanz caeuq Vangz Yabingz gig vaiq byaij daengz dangqnaj de lo, de cijndei iet cik fwngz hoengq haenx caeuq Gwznanz dox gaemfwngz.

29. Gauh Linzlinz vihmaz aennaj fwt bienq heu youh bienq hoengz?

Dap:

Gij bingmax Mungj Gaj dauqdaej mbin daengz gizlawz bae ne? Daihgya cungj mbouj rox. Doeklaeng, Ningzmingz Mbanjbyayauq miz boux vunzgunz cienmonz baengh gai fwnz ciengx mingh ndeu, bae daengz Byaraiz raemj fwnz, mbouj siujsim, fag caxfwnz de doek roengz laj dat bae lo, de couh menhmenh swmh bangxdat roengz laj dat bae, mbouj rox baenzlawz couh byaij daengz henz Dahmingzgyangh. Sawqmwh, de dingqny i gij sing ndaek gyong、roq laz、danz gimz、ciengqheiq haenx daj ndaw gamj Byaraiz ndeu cienz okdaej. De roxnyinh geizheih dangqmaz, couh byaij haeuj ndaw gamj bae, sikhaek yawjraen ndaw gamj cap miz haujlai bingmax Mungj Gaj. Gyoengq bingmax yawjraen miz vunzseng byaij haeujdaej, cungj humx gvaqdaej cazcam.

30. Dwg bouxlawz raen gij bingmax Mungj Gaj? Gij bingmax Mungj Gaj dauqdaej mbin daengz gizlawz bae ne?

Dap:

Ndaeifaen	Bouxbingzgienj

Seiq、Fanhoiz (26 faen)

31. Aeu Sawcuengh hoiz duenh Sawgun lajneix. (8 faen)

从大明山上潺潺而下的溪水，清澈透亮。传说很久以前，大明山麓的一个山村里，一个穷苦的孤寡老婆婆，在一个大雪纷飞的冬天，在山路边见到一条奇怪的、奄奄一息的小蛇，便心生怜悯，将它带回

家中。虽然贫穷，但老婆婆依然像对待亲生孩子一样天天精心养育它，小蛇最终长成一条龙。一天，老婆婆伤心地对它说，你长得越来越大，我实在无法继续供养你了，你自己出去谋生吧。龙点点头，噙着泪水，一步一回头，最后腾空而去。

Hoiz:

32. Aeu Sawcuengh hoiz duenh Sawgun lajneix. (8 faen)

季节进入秋天，要多喝蜂蜜，少吃姜。因为秋天气候干燥，燥气伤肺，加上再吃辛辣的生姜，更容易伤害肺部，加剧人体失水、干燥。专家建议，白天喝点盐水，这样既可以给自己身体补水，又可以养生、抗拒衰老，同时还可以预防引起便秘。蜂蜜所含的营养成分特别丰富，主要成分是葡萄糖和果糖，另外还含有蛋白质、氨基酸和维生素 A、维生素 C、维生素 D。秋天常吃蜂蜜，不仅有利于病体康复，而且还能起到润肺、养肺的作用。

Hoiz:

33. Aeu Sawgun hoiz duenh Sawcuengh lajneix. (5 faen)

Gyoengq hek dap hojceh daj ndaw candaiz okdaeuj, vihliux siucawz naetnaiq, couh maeuq roengzdaeuj swiq naj. Swiq baez naj ndeu haj faen ngaenz. Dahvuz byaij baenaj, sawqmwh cienqlaeng yawj, doeksaetyat: Yienzlaiz coij mehmbwk gai raemx swiqnaj ndawde, miz boux ndeu dwg Dahyangh. Seizneix, Dahyangh vunz hix byom lo, naengnoh deng rumz ci dwk ndaemnding bae; mbouj gangj de najheu nyapnyuk, dan yawj de diemdin、cienqndang、goemzroengz、ngiengxgyaeuj, dinfwngz caemh miz di bwnh. Dahvuz youh byaij gyawj sijsaeq yawj, yienzlaiz de gaenq mizndang lo.

Hoiz:

34. Aeu Sawgun hoiz duenh Sawcuengh lajneix. (5 faen)

Daj seizneix hwnj, gaenhdaih seiqgyaiq lizsij gwnzde aen seizdaih yawjmboujhwnj vunz Cungguk, yawjmboujhwnj gij vwnzva Cungguk haenx wngdang gietsat lo. Aen Cungguk Yinzminz Gaijfang Cancwngh caeuq aen yinzminz daih gwzming Cungguk ndaejhingz hungmbwk haenx, gaenq fukhwng caemhcai qingqcaih fukhwng gij vwnzva hungmbwk Cungguk yinzminz. Cungj vwnzva Cungguk yinzminz neix, couh gij

cingsaenz fuengmienh de daeuj gangj, gaenq mauhgvaq daengx aen swbwnj cujyi seiqgyaiq. Lumjbaenz Meijgoz gozvuingh Aigizsin bang vunz neix, gyoengqde doiq aen Cungguk yienhdaih caeuq aen seiqgyaiq yienhdaih gij yinsiz suijsingz haenx, lij daemq gvaq Cungguk Yinzminz Gaijfangginh boux bing bingzciengz ndeu.

Hoiz:

Ndaeifaen	Bouxbingzgienj

Haj、Sij Faenzcieng (30 faen)

Iugouz:

1. Ndaw faenzcieng mbouj ndaej sij gij danhvei、diegyouq、mingzcoh bouxgauj.
2. Yungh Sawcuengh gyoebaem byauhcuinj daeuj sij.
3. Daengx bien faenzcieng aeu miz 800 aen yaemciet doxhwnj.

35. “Vuenyungz cungj dwg buekguh cij ndaej” “Gangjhoengq nguh guek, saedguh hwng guek”, song coenz vah neix yinxhwnj mwngz gijmaz ngeixnaemj? Cingj giethab saedsaeh sij bien faenzcieng ngeixlwnh ndeu, daezmoeg gag dingh.
